

**CONVENIO DE COLABORACION EMPRESARIAL EN ACTIVIDADES DE INTERESE XERAL
(ART. 25 DA LEI 49/2002, DO 23 DE DECEMBRO, DE RÉXIME FISCAL DAS ENTIDADES
SEN FINS LUCRATIVOS E DOS INCENTIVOS FISCAIS AO MECENADO) CON MOTIVO DA
“EXPOSICIÓN DA ARBORE A CADEIRA”**

Santiago de Compostela, a 29 de marzo de 2017

Dunha parte a **FUNDACION CIDADE DA CULTURA DE GALICIA**, con domicilio social en Cidade da Cultura de Galicia situada en Santiago de Compostela, Monte Gaiás s/n, e provisto do NIF G-15721640. Constituída o día 27 de decembro de 1999, ante o notario do Ilustre Colexio de Coruña don , con número de Protocolo . A Fundación está inscrita no rexistro de fundacións de interese galego co número 73.

Está representada neste acto por D. , en nome e representación da Fundación, en calidade de , segundo o disposto no artigo 9 dos Estatutos da Fundación Cidade da Cultura de Galicia.

E doutra parte, a **LOIRA INTER, S.L.**, con domicilio social en , e provista do NIF , constituída consonte á escritura outorgada o día , ante o Notario do Ilustre Colexio de , don , baixo o número de protocolo.

Está representada neste acto por D. , na súa condición de , conforme aos poderes outorgados ante o Notario do Ilustre Colexio de don o día , con número de Protocolo .

As partes, segundo interveñen, se recoñecen, mutua e reciprocamente, a capacidade legal necesaria e a representación suficiente para formalizar o presente Convenio de Colaboración Empresarial (o “**Convenio**”), e ao efecto

EXPOÑEN

I.- Que a **Fundación Cidade da Cultura de Galicia** foi constituída o 27 de decembro de 1999, mediante escritura pública outorgada ante o Notario , , co número do seu protocolo, como organización de natureza fundacional, de interese galego, sen ánimo de lucro, cun patrimonio afecto de maneira duradeira á realización dos fins de interese xeral propios da Institución.

Mediante a Orde da Consellería da Presidencia, Relacións Institucionais e Administración Pública do 11 de xaneiro de 2000, (DOG núm. 11 do 18 de xaneiro), clasificouse a Fundación Cidade da Cultura de Galicia como cultural e adscribiuse á Consellería de Cultura. Por Orde da Consellería de Cultura do 19 de xaneiro de 2000 (DOG núm. 26 do 8 de febreiro) declarouse de interese galego e inscribiuse no rexistro de fundacións desta consellería co número 73.

Esta Fundación Cidade da Cultura de Galicia forma parte do sector público da Comunidade Autónoma de Galicia. Na actualidade está adscrita á Consellería de Cultura, Educación e Ordenación Universitaria que exerce o seu protectorado e cuxo conselleiro ostenta a presidencia do Padroado, órgano reitor máximo da Fundación.

II.- Que a Fundación Cidade da Cultura de Galicia, dentro do seu programa de exposicións, inclúe a organización, desenvolvemento ou apoio de eventos culturais de interese para a difusión da Cidade da Cultura de Galicia, entre os que se atopa a exposición sobre mobiliario galego **DA ÁRBORE Á CADEIRA** que permanecerá aberta ao público entre o 7 de abril ao 5 de novembro de 2017 no Museo Centro Gaiás.

O proxecto expositivo sobre o mobiliario contemporáneo galego e a relación co bosque autóctono e a madeira, a través da industria da transformación, contará coa exhibición dunhas

50 pezas de mobiliario, con predominio de cadeiras, xunto a planimetrías, fotografías e outros materiais expositivos, realizadas por destacados arquitectos e deseñadores galegos que introducen a modernidade en Galicia a mediados do século XX (Alejandro de la Sota, José Bar Boo, Isaac Díaz Pardo...); xunto a estes pioneiros se amosarán pezas de sucesivas xeracións de arquitectos e deseñadores posteriores, que renovando e asumindo as novas tendencias, proporcionan un mobiliario propio, concibido e deseñado en Galicia, tanto adaptado a espazos concretos, domésticos e públicos, como outros flexibles e utilizables en calquera ambiente. Asemade o bosque galego vai ter unha destacada presenza na mostra a través de recursos audiovisuais, fotográficos, informáticos, etc., e establécese un complemento ao discurso a través dunha mirada artística que se concretará na selección de obras realizadas por artistas galegos ou que traballen en Galicia con visións do bosque e a árbore en sintonía co discurso expositivo. As alianzas cos sectores produtivos galegos da madeira, e coas institucións públicas que teñen competencia sobre o bosque e os procesos de transformación madeireira, formarán parte do discurso e do proxecto expositivo.

III.- Que **LOIRA INTER S.L.** é a empresa de referencia no sector da madeira. Se trata dunha empresa que busca a excelencia no seu traballo, con dotación de produción propia en diversidade de materias primas e coa tecnoloxía máis moderna para a execución de proxectos.

Dispón de dúas fábricas de madeira, dúas fábricas de metal e un fábrica de rotulación e solid surface. Conta con 120.000 m2 de instalacións e un plantel de 500 traballadores, o que a converte nun centro de importante creación de emprego na nosa comunidade. Con estes recursos, están presentes en máis de 70 países e 397 cidades diferentes, desenvolvendo un total de 1.135 proxectos a medida.

IV.- Que **LOIRA INTER S.L.** mantén e desenvolve unha importante actividade na Comunidade Autónoma de Galicia, e recoñece a importancia da difusión da exposición “DA ÁRBORE Á CADEIRA” en Cidade da Cultura de Galicia, e a tal fin desexa colaborar na súa realización, promoción e difusión mediante unha aportación en concepto de colaboración.

Que, en virtude das consideracións anteriores, ambas as dúas partes acordan a firma do presente acordo, de acordo coas cláusulas seguintes;

CLAUSULAS

Primeira. - Obxecto. Contido e alcance

O presente Convenio ten por obxecto regular os termos e condicións da colaboración de ambas entidades, con motivo da exposición DA ÁRBORE Á CADEIRA que permanecerá aberta ao público entre o 7 de abril ao 5 de novembro de 2017 no Museo Centro Gaiás.

En concreto, a colaboración focalizarase na doazón a título gratuíto por parte de LOIRA INTER S.L. de pezas clave a empregar na montaxe da exposición Da Árbore á Cadeira (incluída a súa produción e traslado a Museo Centro Gaiás), e que pasarán finalmente a formar parte dos fondos que o Museo precisa no exercicio da súa actividade.

Co fin de alcanzar o obxecto manifestado nesta cláusula, LOIRA INTER S.L. asume o compromiso de efectuar a achega en especie, de xeito totalmente gratuíto, de;

1. Banco oruga (1 ud.).
2. Banco cadrado (2 ud.).
3. Cápsula de foco (5 ud.).
4. Mesa araña (3 ud.).
5. Murete madeira (1 ud.).
6. Cubo de visionado (1 ud.).

7. Soporte cruceta de proxector audiovisual (3 ud.).
8. Soporte "esquemático" de proxector audiovisual (1 ud.).
9. *Mesa de los recuerdos* (1 ud.).

Pola súa banda, a FUNDACIÓN CIDADE DA CULTURA DE GALICIA, se compromete a:

- a) aplicar a achega ás actividades e nos termos recollidos nos parágrafos anteriores e posteriores.
- b) difundir e facer constar, de forma visible, a colaboración prestada por LOIRA INTER S.L. nas comunicacións ou publicacións en que difunda información relativa ás actividades desenvolvidas coa colaboración de LOIRA INTER S.L., todo iso, nos termos que se indican no presente convenio.

Segunda. – Duración

O presente Convenio estenderá a súa vixencia desde a data de formalización do presente convenio ata a data na que se produza clausura da exposición, como máximo o día 31/12/2017 estando expresamente prohibidas as prórrogas expresas ou tácitas.

Non obstante o anterior, a mención da colaboración de LOIRA INTER S.L., poderá estenderse a cantos actos e comunicacións públicas se realicen respecto da exposición "Da Árbore á Cadeira".

Terceira. - Achega económica

LOIRA INTER S.L. comprométese a entregar a FUNDACIÓN CIDADE DA CULTURA DE GALICIA unha achega económica en especie con carácter de doazón por valor contable de VEINTICINCO MIL SEISCIENTOS VEINTE euros (25.620 €).

Unha vez recibida a referida achega, a FUNDACIÓN CIDADE DA CULTURA DE GALICIA expedirá a favor de LOIRA INTER S.L. unha certificación acreditativa da achega realizada, nos termos do establecido na Lei 49/2002, de 23 de decembro, do Réxime Fiscal das Entidades sen Fins Lucrativos e dos Incentivos Fiscais ao Mecenado e do seu Regulamento de desenvolvemento.

Na execución do contido do presente acordo, cada parte soportará os tributos que se poidan percibir e sexan do seu cargo segundo a Lei.

Cuarta.- Difusión da participación do colaborador

En tanto dure o presente convenio de colaboración, a difusión da participación de LOIRA INTER S.L. nas actividades da CIDADE DA CULTURA DE GALICIA levarase a cabo nos seguintes termos:

- A FUNDACIÓN CIDADE DA CULTURA DE GALICIA comprométese a difundir a participación e colaboración de LOIRA INTER S.L. mediante a inserción da súa marca, denominación social ou logos en cantos rótulos, impresos, catálogos, selos, propaganda e en calquera outra información que se publique ou edite en relación coas actividades desenvolvidas coa colaboración de LOIRA INTER S.L. A estes efectos, LOIRA INTER S.L. facilitará á FUNDACIÓN CIDADE DA CULTURA DE GALICIA o modelo de marca ou logotipo que deba ser difundido e a FUNDACIÓN CIDADE DA CULTURA DE GALICIA axustarase en todo caso e calquera que sexa o material que no que se insira, o deseño facilitado por LOIRA INTER S.L.

- A FUNDACIÓN CIDADE DA CULTURA DE GALICIA comprométese a que sexa mencionada a colaboración do Colaborador en todos os actos de difusión referidos á actividade.

- LOIRA INTER S.L. poderá facer pública a súa participación nas actividades de FUNDACIÓN CIDADE DA CULTURA DE GALICIA, baixo a denominación de Entidade Colaboradora de FUNDACIÓN CIDADE DA CULTURA DE GALICIA.

En todo caso, a difusión da participación de LOIRA INTER S.L. nas actividades da FUNDACIÓN CIDADE DA CULTURA DE GALICIA limitarase ao uso dos seus logotipos ou signos distintivos, quedando expresamente excluída deste convenio a publicidade, ou a difusión de calquera produto ou servizo que poida prestar o Colaborador.

Quinta.- Propiedade intelectual

En ningún caso as cláusulas do presente convenio supoñen a cesión ou transmisión de calquera dereitos de propiedade intelectual ou industrial titularidade de LOIRA INTER S.L.

O uso non autorizado, ou para un fin distinto ao pactado no presente convenio por parte da FUNDACIÓN CIDADE DA CULTURA DE GALICIA de calquera signo distintivo protexido polos dereitos de propiedade intelectual ou industrial ou intelectual de LOIRA INTER S.L. , facultará a esta para instar a resolución do presente Convenio, en cuxo caso, a FUNDACIÓN CIDADE DA CULTURA DE GALICIA comprométese a restituír a LOIRA INTER S.L. o importe das achegas realizadas e, todo iso, sen prexuízo da correspondente indemnización de danos e prexuízos a que houber lugar.

Sexta. - Causas de resolución

O presente Convenio poderá resolverse por calquera das seguintes causas:

- Por mutuo acordo das partes. As cantidades que haxan de satisfacerse no seu caso, serán as que as partes conxuntamente determinen no acordo de resolución.
- Por incumprimento das obrigas das partes. Cando o Convenio se resolva por causas imputables a calquera das partes, a parte incumplidora haberá de reparar os danos e prexuízos que por tal motivo tiver causado á outra parte.
- Por denuncia das partes poñéndoo en coñecemento da outra, polo menos cun (1) mes de anticipación á data en que desexase deixalo sen efecto.

En todo caso, haberán de ser finalizadas as accións que no seu momento se achen en curso ou estea comprometida a súa realización.

Sétima. – Publicidade

Este convenio de colaboración será obxecto de publicación na páxina web oficial correspondente, coa expresión da súa contía e finalidade, de acordo co disposto na Lei 1/2016, de 18 de xaneiro, de transparencia e bo goberno na Administración pública galega, e no Decreto 126/2006, do 20 de xullo, polo que se regula o Rexistro de convenios da Xunta de Galicia.

Neste sentido, as partes prestan expresamente o seu consentimento para que se lle dea ao presente Convenio a publicidade esixida.

Oitava. – Tributos

Na execución do contido do presente convenio, cada parte soportará os tributos que se poidan percibir e sexan do seu cargo segundo a Lei.

Novena. – Natureza

O presente acordo ten a natureza prevista no artigo 25 da Lei 49/2002, do 23 de decembro, de Réxime Fiscal das Entidades sen Fins Lucrativos e dos Incentivos Fiscais ao Mecenado, e que, en ningún caso, debe considerarse que persegue os fins dos contratos de patrocinio publicitario recollidos no artigo 22 da Lei 34/1988, do 11 de novembro, Xeneral de Publicidade.

Para todos os efectos, a difusión da participación do Colaborador na actividade da Fundación non constituirá unha prestación de servizos.

Décima.- Xurisdición e competencia

LOIRA INTER S.L. e a FUNDACIÓN CIDADE DA CULTURA DE GALICIA comprométense a buscar a resolución de calquera conflito ou incidencia que puidese xurdir na interpretación ou execución do presente convenio de xeito amigable.

En caso de que non puidese ser resolto como antecede, o presente Convenio someterase á xurisdición dos Xulgados e Tribunais de Santiago de Compostela.

Undécima. – Notificacións

Todas as notificacións, requirimentos, peticións e outras comunicacións que haxan de efectuarse polas partes en relación co presente Convenio, deberán realizarse por escrito e será dirixida por calquera medio admitido en dereito que permita ter constancia da súa data, da súa recepción e do seu contido, ben por correo electrónico ou ben por correo postal ao domicilio da outra parte, considerándose entregada tres días despois do envío sempre que o remitente teña no seu poder o xustificante de envío.

E en proba de conformidade, asíñase e rubrica o presente Convenio, por duplicado, e para un só efecto, no lugar e data do encabezamento.

Pola Fundación Cidade da Cultura

Por LOIRA INTER S.L.

ANEXO I.- CERTIFICADO DE PAGO RELATIVO AO CONVENIO DE COLABORACION EMPRESARIAL EN ACTIVIDADES DE INTERESE XERAL (ART. 25 DA LEI 49/2002, DO 23 DE DECEMBRO, DE RÉXIME FISCAL DAS ENTIDADES SEN FINS LUCRATIVOS E DOS INCENTIVOS FISCAIS AO MECENADO) CON MOTIVO DA “EXPOSICIÓN DA ARBORE A CADEIRA”

D/D^a _____, provista de DNI _____, na súa condición de _____ da FUNDACION CIDADE DA CULTURA DE GALICIA, con domicilio social na Cidade da Cultura de Galicia situada en Santiago de Compostela, Edificio CINC, terceiro andar, Monte Gaiás s/n, código postal 15707 e provisto de Número de Identificación Fiscal (N.I.F.) G-15721640, conforme aos poderes outorgados ao efecto polo Padroado da Fundación en data _____.

Certifico

1º) Que esta Fundación foi constituída con data do día 27 de decembro de 1999 e declarada de interese cultural por Orden da Consellería da Presidencia e Administración Pública da Xunta de Galicia de 11 de xaneiro de 2000, quedando adscrita ao Protectorado da Consellería de Cultura, Educación e Ordenación Universitaria e que se atopa incluída entre as reguladas no artigo 16 da Lei 49/2002, do 23 de decembro, de Réxime Fiscal das Entidades sen Fins Lucrativos e dos Incentivos Fiscais ao Mecenado .

2º) Que para axudar ao cumprimento dos fins estatutarios desta Fundación, a empresa _____ con CIF _____ e domiciliada no _____, efectuou unha doazón en especie á FUNDACION CIDADE DA CULTURA DE GALICIA por un valor contable de _____ euros (_____ €).

3º) Que esta Fundación aplicará a aportación económica á actividade “Exposición Da Árbore á Cadeira”.

4º) Que dita cantidade foi entregada con carácter irrevogable e en concepto de Convenio de Colaboración empresarial, ao que se refire o artigo 25 da Lei 49/2002, de 23 de decembro.

Todo o cal certifico aos efectos previstos no Título III da Lei 49/2002, do 23 de decembro, de Réxime Fiscal das Entidades sen Fins Lucrativos e dos Incentivos Fiscais ao Mecenado.

En Santiago de Compostela, _____,

A _____ da Fundación Cidade da Cultura de Galicia
